

®

ORATIO

AD

Nobilissimum Comitem

DE

CHESTERFIELD

HIBERNIÆ Proregem

In Bibliothecâ Academiæ DUBLINIENSIS,

Publicè Habita.

DUBLINII:

Ex Officinâ GEORGI FAULKNERI, in Vico dicto
Essex-Street, MD,CC,XLV.

О Р Я Т И О . 85

1. *Phlegmon* (acute inflammation) is characterized by redness, swelling, heat, pain, and loss of function. It is caused by a variety of factors, including trauma, infection, and autoimmune reactions.

1871
 1872
 1873
 1874
 1875
 1876
 1877
 1878
 1879
 1880
 1881
 1882
 1883
 1884
 1885
 1886
 1887
 1888
 1889
 1890
 1891
 1892
 1893
 1894
 1895
 1896
 1897
 1898
 1899
 1900

ORATIO, &c.

IN tanto splendore fortunæ, ipso dignitatis apice, fortunam animo, dignitatem virtutibus antecellens, Populi totius cumulate laudibus, accipe Vir Excellentissime, gratulationes quoque nostras, et in universo plausu exaudiat^rur vox Academiæ.

Quantum ingenio, quantum consiliis, eloquio quantum pollebas, Juvenis adhuc, summis adhibit^{is} negotiis, et par, audivimus mirantes; præsens, re famam, spem meritis exsuperas.

Dum vicina regio belli nefarii flagrat incendio, ferrumque ac flammæ minitatur rebellis et incondita turba, Insulam hanc fove^t Pax alma, vigent leges, coluntur agri: Agnoscimus beneficia Proregis optimi, sagacis in providendo, Im-
pigri

pigri in arcendo pericula, prudentis, indefessi.

Hoc omnes uno testantur ore. Liceat autem nobis celsiora hæc omittentibus, ad ea quæ nos præcipuè respiciunt, descendere; Nobis, Aca-
demia nostræ gratulari, quod imperii regat ha-
benas Vir, artibus, quas ipsi colimus, instruc-
tissimus.

Splendidiôres illas virtutes ornant hæc literæ,
adjuvantque; et has eò impensius laudare æquum
est, quia in summâ fortunâ et rariores sunt, et
utiliores.

Atque ut ex hac parte nos maxime attingis,
tâ hûc præsertim orationem flectere monet locus
ose, templum Apollinis et Musarum.

Aspice quali cingimur Coronâ! Quanta rerum
species obversatur oculis! Cernis undique mo-
numenta veteris Sapientiæ. Circumstant vene-
randi Patres, qui vitam humanam ditârunt in-
ventis; Rationem honestârunt præceptis; Vir-
tutis propugnârunt causam; vel facundiæ gloriâ
floruêrunt. Inter hosce omnes ingrederis, non
peregrinus,

peregrinus, non alienus; sed notus, affinis. Seu tractas arcana imperii; Seu dirigis Senatum. consiliis, eloquentiâ moderaris; Seu remissior, sermonem sale condis Attico; vel Phæbi citharam pulsas; quicquid agis, te suum agnoscunt, alumnum te, filiumque vindicant.

Nec ab His ornamenta solùm, quæsitissimas etiam voluptates hauris. Cum rerum moli, regni totius oneri fessum te subtrahis, Hi dulcem præbent recessum, otioque literato, inter Musarum amænitates, vacuum recreant animum; negotiorum intervalla eleganter, nec inutiliter, distinguentes.

Hæc de te, etiam tibi dicere, loco et occasione necessarium duxi, pauca delibans, leviterque perstringens: Cunctas autem oratione justâ virtutes complecti, mihi in animo non est; gnaro id esse, nec ingenii mei, nec verecundiæ tuæ, qui pari sollicitudine, laudes et mereris, et vitas. Libet potiùs grates agere pro beneficiis jam receptis, favoremque et patrocinium in futurum suppliciter orare.

Adolescentium

Adolescentium animos religione munire; virtute instituere; scientiâ exornare; dulci libertatis amore incendere; pietate in Patriam Regemque imbuere; hoc nobis studium, hoc opus est; Insigne opus, quod vel inchoantes laudabis, conantes et prosequentes certè fovebis. Quid enim præclarius, quid bene ordinatæ Reipublicæ sanctius et antiquius, quam ingenua, docta, bene morata Juventus?

Et in hoc rerum statu, dum fruimur libertate artium nutrice, æquis legibus, purâ religione, sub auspiciis optimi munificentissimi Principis, quam lætus nobis panditur prospectus, quanta successûs spes affulget?

Accedit ad hæc bona tanquam cumulus, Gubernator, eruditus, liberalis; Literarum eò amantior, quia peritus; Studiorum Exemplar idem, et Patronus.

F I N I S.